

Tlholeho le ho Oa



SABATHA MANTSIBOEA

Bakeng sa Boithuto ba Beke Ena Bala:

Gen. 1:26, 27; 1 Johanne 4:7, 8, 16; Gen. 3:16–19; Gen. 11:1–9; Ba-Baga. 3:29; Deut. 7:6–11.

Teman'a Khopolo:

“A [Molimo] nto mo [Abrahama] isa kante, a re: Lelala joale, u talime maholimo, u bale linaleli, ha ekaba u ka li bala. Eaba o re ho eena: Litloholo tsa hau li tla ba kalo. Eaba o lumela Jehova, 'me Jehova a 'malla ho lumela ha hae hore ke ho loka.”(Genese 15:5, 6).

Pale ea batho ba Molimo e qala ka popo ea batho le ho oa sebeng ha bona ho bohloko. Maleke afe kapa afe a ho utloisisa sebopeliso sa bonngoe kahare ho kereke a lokela ho qala ka leano la mantlha la Molimo Tlholehong le bohloki ba pusetso kamor'a ho Oa. Likhaolo tsa pele tsa Bibeletsa li senola hore Molimo o ne a rerile hore batho bohle ba lule e le lelapa le le leng. Ka bomalimabe, bonngoe bona bo ile ba khaoloa kamor'a tlokotsi ea sebe. Ke sebeng feela, moo ho hlahileng metso ea khaohano le karohano, litholoana tse nyontšang tsa ho hloka kutlo. Re ba le mofetolela oa karohano ena kopanong ea pele feela ea Adama le Eva ha Molimo a ba atamela kamor'a hore ba je ho tsoa sefateng seo ba se hanetsoeng (sheba Gen. 3:11). Kahona, har'a tsohle tseo morero oa pholoho o tlang ho li fihlela, pusetso ea bonngoe ba pele le eona ke e 'ngoe ea mekolokotoane ea bohlokoa. Abrahama, ntat'a sechaba sa Molimo, o ile a phetha karolo ea bohlokoa morerong oa Molimo oa pholoho. Mangolo a bontša Abrahama e le mohlala o moholo oa “ho lokafatsoa ka tumelo” (sheba Ba-Roma 4:1–5), mofuta oa tumelo o tlamahanyang batho ba Molimo hammoho le ho ba tlamahanya le Molimo ka sebele. Molimo o sebetsa ka batho ho busetsa bonngoe le ho etsa hore thato ea Hae e tsejoe ke batho ba lahlehileng.

**Ihute thuto ea beke ena ho lokisetsa Sabatha sa la 6 Mphalane.*

Lerato e le Motheo oa Bonngoe

Molaetsa o hlakileng o phallang kahar'a pale ea Tlholeho ho Genese 1 le 2 ke bonngoe bo neng bo le teng ka kakaretso qetelloong ea beke ea Tlholeho. Mantsoe a ho qetela a Molimo a hore tsohle li ne li le “molemo haholo” (Gen. 1:31) ha a supe feela botle bo khahlang mahlo empa le bosieo ba moneketsana oa bokhopo feela kapa khohlano ha Molimo a qeta ho etsa lefatše lena le batho ba neng ba lokela ho le tlala. Morero oa Molimo oa mantlha Tlhohong o ne o kenyellelitse ho phela ka kutloano le likamano tsa tšehetsano tsa bophelo ka mefuta eohle ea bona. E ne e le lefatše le letle le etselisoeng lelapa la botho. Tsohle li ne li phethehile 'me li loketse 'Mopi oa tsona. Morero oa mantlha oa Molimo bakeng sa lefatše lena e ne ele oa kutloano, bonngoe, le lerato.

Bala Genese 1:26, 27. Litemana tsee li re ruta eng ka ho khetholloha ha motho ho fapana le tlhohleho eohle joalokaha ho bontšoa ho Genese 1 le 2?

Genese e re Molimo o bopile batho ka setšoantšo sa Hae, e leng ntho e sa buuoeng ka ntho efe kapa efe tlalehong ea Genese. “Molimo oa ntoo re: A re etseng motho ka setšoantšo sa rona le ka ho tšoana le rona . . . Eaba Molimo o etsa motho ka setšoantšo sa oona, oa mo etsa ka setšoantšo sa Molimo. Oa ba etsa e le e motona le e motšehali” (Gen. 1:26, 27). Leha ba-Thuto-molimo ba phehile khang ka mengoaha-kholo ka hore na sebopelo sa setšoantšo sena ke se feng, le ka sebopelo sa Molimo ka sebele sa Hae, litemana tse ngata tsa Lengolo li hlalisa sebopelo sa Molimo e le lerato.

Bala 1 Johanne 4:7, 8, 16. Litemana tsee li ka re thusa joang ho utloisisa kamoo re bopiloeng kateng qalong le kamoo taba ee e ka beng e amme bonngoe ba pele bo neng bo fumaneha Tlhohong?

Molimo o lerato, 'me ka hobane batho le bona ba tseba ho rata ('me ka litsela tseo tlhohleho eohle e sitoang), ho etsoa ka setšoantšo sa oona ho lokela hore e be ho kenyelleltsa bokhoni ba ho rata. Feela, lerato le tseba ho ba teng feela kamanong le ba bang. Ka mokhoa o joalo, eng kapa eng e kenellang ho etsoeng ka setšoantšo sa Molimo, bokhoni ba ho rata, 'me ho rata ka botebo le hona ho tlamaha ho kenella.

Litlamorao tsa ho Oa

Litlamorao tsa ho Oa li bile kholohali. Ho hloka kutlo ha Adama le Eva ho phatlotse tšehetsano ea kutloano lipakeng tsa tsohle tse phelang. Ho hobe le ho feta moo, ho qalile khaohano, khohlano, le likarohano har'a batho ba phelang le kajeno. Khohlano ena e bonahala hang hang tseleng eo ka eona Adama le Eva ba neng ba batla ho bea molato oa ho Oa ho ba bang (Gen. 3:12, 13). Esale lintho li mpefala ho feta haesale ho tloha moo.

Bala Genese 3:16–19 le Genese 4:1–15. Ke eng litemaneng tsee e bontšang litholoana tsa sebe le kamoo se ammeng lefatše le utloanang leo Molimo a le entseng?

Ho hloka kutlo ha Adama e bile mohloli oa liketsahalo tse ngata le litlamorao tseo kamor'a nako li ammeng tlhohle eohle ea Molimo. Lefatše ka bo lona le ile la qalella ho hloko-fala ka lebaka la litlamorao tsa sebe. Likamano tsa batho le tsona tsa ameha. Kaine le Abele, baena ba babeli, ba neng ba lokela ho ratana le ho hlokomelana, ba hloeana ka lebaka la hoba feela e mong a ne a batla ho latela litšekamelo tsa hae tse tletseng bo-eena ho e-na le ho latela tsela eo Molimo a neng a batla ho khumameloa ka eona. Hloeano ena e ile ea qetella ka likhoka le lefu. Leha ho le joalo, karabo ea Kaine, e ne e tobile ho Molimo ho feta ho Abele. O ne a halefetse Molimo (Gen. 4:5), 'me khalefo ena ea lebisla ho hloeeng Abele. Ho hloka kutlo hoa tsoela pele ho phatlola likamano. “Jehova a bona bolotsana ba batho hoba bo boholo lefatšeng, le hoba 'mopo oa mehopollo eohle ea lipelo tsa bona o mobe feela ka matsatsi 'ohle” (Gen. 6:5). Bokhopo bona bo qetelletse bo lebisla Moroallong le tšenyeho e kholo ea tlhohleho ea pele ea Molimo e hlhisitsoeng ke Moroallo. Empa le boemong boo Molimo ha oa ka oa lahla tšepo ho leloko la botho empa oa siea masala, Noe le lelapa la hae, ho qala hape. Kamor'a Moroallo, Molimo oa fa Noe le lelapa la hae tšepiso. Mookoli o sebakeng sa maholimo o ne o lokela ho ba hopotsa kamehla ka tlhokomelo le litšepiso tsa hae, ka mosa oa hae le mohau oa Hae (Gen. 9:12–17, Esa. 54:7–10). Molimo oa etsa selekane le Noe 'me a khutlisa morero oa Hae oa pele oa ho ba le lelapa la botho le kopaneng le tšepahalang ho Eena le ho Lentsoe la Hae.

Sebe se tlisa khohlano ka litsela life? U ka etsa khetho life hona joale ho busetsa kutloano eo har'a bao khetho tsa hau li ka ba amang ka tsela e matla?

Khaohano le Karohano tsa Tsoela Pele

Bala Genese 11:1–9. Ho etsahetseng moo e ileng ea mpefatsa bothata ba karohano le khaohano ho feta?

Liketsahalo tse latelang moo tse ngotsong ke Bibeletse e bile khahlo ea Tora ea Babele, pherekanyo ea maleme, le ho hasanyoa ha batho, bao ho fihlela ka nako eo ba neng ba ntse ba bua puo e le 'ngoe. Mohlomong ka lebaka la ho khahloa ke botle ba naha e pakeng tsa noka ea Euforate le Hiddekele, le manoni a mobu oa teng, ba bang ba leloko la Noe ba khetha ho ikahela motse le tora e phahameng naheng ea Shineare, eo kajeno e leng Iraq boroo (Gen. 11:2). Bofatolli ba ntho tsa khale bo bontšitse hore Mesopotamia esale e le sebaka se neng se na le batho ba bangata haholo ho tloha nakong ea pele-pele nalaneng. Har'a batho bana e ne e le ba-Sumeria, bao ho thoeng ke bona ba qapileng bonono ba ho ngolla matlapeng a letsopa. Ba ne ba aha matlo a ahiloeng hantle hape ba tsoa pele ka tlhahiso ea mabenyanane, lisebelisoa [tsa kantle], le lisebelisoa tsa kichene. Ho fatolla ho sibollotse hape litempele tse ngata tse kang li-tora tsa melimo e fapaneng.

Ba leloko la Noe ba ileng ba aha phuleng ea Shineare ba phakisa ba lebala ka Molimo oa Noe le litšepiso tseo a li entseng tsa hore a ke ke a hlola a timetsa lefatše ka moroallo. Ho aha Tora ea Babele e ne e le seemahale sa bohlole le litsebo tsa bona tse fetisisang. Takatso ea bona ea botumo le ho hlahella, “ho iketsetsa lebitso” (Gen. 11:4), e ne e le e 'ngoe ea mabaka a susumelitseng morero ona. “Ho latela morero o halalelang, batho ba ne ba lokela ho boloka bongoe ka tlamahano ea borapeli ba 'nete. Ha borapeli ba litšoantšo le melingoana e mengata bo khaola tlamahano ena ea semoea e kahare, ha ba ka ba lahlehela feela ke bonngoe ba borapeli empa le ke moea oa boena. Mosebetsi feela o tšoanang le tora o ne o keke oa atleha ho boloka ka tsela e kantle bonngoe bo kahare bo neng bo lahlehile.” — *The SDA Bible Commentary*, pok. 1, maq. 284, 285. Ho oa ha Adama le Eva ho soahlamantse bonngoe ba leloko la botho le morero oa mantlha oa Molimo. Ho tlisitse pherekano mabapi le borapeli; phatlalatso e pharalletseng ea bokhopo le ho hloka boitšoaro lefatšeng lohle; le karolo ea batho ka meetlo, lipuo, le merabe e mengata e fapaneng, eo esale e hohlana haesale ho tloha ka nako eo.

Ke mehato efe e sebetsehang, eo ka eona re ka felisang likarohano tsa mefuta, meetlo, le lipuo tse re utloisang bohloko le ka hona ka kerekeng?

Abrahama, Ntat'a Batho ba Molimo

Litumelo tse kholo tse tharo tsa Molimo o le mong, bo-Juda, Bokreste, le Islam, li talima Abrahama e le eena ntat'a tsona. Ha a bitsoa hore a siee naha ea habo Mesopotamia, Abrahama o ile a bolelloa hore ho eena “ ‘mefuta eohle ea lefatše e tla hlonofofalla’ ” (Gen. 12:3; sheba le Gen. 18:18, 22:18). Tlhohonolofatso e tlile ka Jesu.

Bala Ba-Heberu 11:8–19, Ba-Roma 4:1–3, le Ba-Galata 3:29. Litimana tsee li bua ka lintlha li fe tsa tumelo ea Abrahama, 'me li amana le taba ea bonngoe ba Bokreste joang? Ke hore, ke sefe se ka fumanoang litemaneng tsee se ka re thusang kajeno ho utloisisa na bonngoe ba Bokreste e lokela ho ba taba ea bohlokoa ha kae?

Joalo ka ntat'a balumeli, Abrahama o re fa tse ling tsa litaba tsa mantlha tse bohlokoa bakeng sa bonngoe ba Bokreste. Ea pele, o ile a bontša kutlo. “Ka tumelo Abrahama mohla a bitsoang, o kile a utloa, a fallala naheng eo a tlang ho e neoa ka mokhoa oa lefa, 'me a falla a sa tsebe moo a eang teng” (Ba-Heb 11:8). Ea bobeli, o ne a na le tšepo ho litšepiso tsa Molimo. “Ka tumelo o kile a lula ka mokhoa oa mojaki naheng eo a e baletsoeng, a aha litenteng le Isaaka le Jakobo, bao e bileng majalefa a pallo e le 'ngoe le eena; hobane o na a lebeletse motse o nang le motheo, oo Molimo e leng mohahi le mothei oa oona” (Ba-Heb. 11:9, 10). Ea boraro, o ile a lumela hore Molimo o tla mo fa mora le hore ka letsatsi le leng litloholo tsa hae li tla ba ngata joaloka linaleli. Ka lebaka la kutlo ena, Molimo a mo lokafatsa ka tumelo (Ba-Roma 4:1–3). Ea bone, o ile a tšepa morero oa Molimo oa pholoho. Teko e kholohali ea tumelo ea Abrahama e ile ea fihla ha Molimo a mo laela ho ea etsa sehlabelo ka Isaaka thabeng ea Moria (Gen. 22:1–19, Ba-Heb. 11:17–19). Testamente ea Khale e hlalosa Abrahama e le motsoalle oa Molimo (2 Li-Kron. 20:7, Esa. 41:8). Bophelo ba hae ba tumelo, le kutlo e sa thekeseleng, le tšepo litšepisong tsa Molimo li mo etsa mohlala oa seo maphele a rona a Bokreste a lokelang ho ba sona hona joale.

Nahana ka liketso le mantsoe a hau matsatsing a seng ma kae a tlang ho latela. Ke ka litsela life o tlang ho etsa bonnete ba hore eng kapa eng eo u e buang kapa o e etsang e tla bontša seo tumelo ea hau e leng sona?

Sechaba se Khethuoeng sa Molimo

Ka ho bitsa Abrahamama ho ba mohlanka oa Hae, Molimo o ile a ikhethela batho ba tla mo emela lefatšeng. Pitso le khetho ena, e ne e le ketso ea Molimo ea lerato le mohau. Pitso le khetho ea Molimo ho Israele e ne e le khubung ea morero oa Hae oa ho busetsa le ho lokisa batho bohle kamor'a tšenyeho le khaohano e bakiloeng ke ho Oa. Nalane e halalelang ke boithuto ba mosebetsi oa Molimo mabapi le tokiso ena, 'me karolo ea mantlha ea leano lena e ne e le sechaba sa selekane sa Israele.

Ho latela Deuteronomya 7:6–11, hobaneng Molimo a n'a bitsa Israele sechaba sa Hae? Hobaneng a khethile leloko la Abrahamama ho ba sechaba sa Hae?

Lerato la Molimo ho batho le khubung ea khetho ea Israele ho ba sechaba sa Hae. Molimo o ile a etsa selekane le Abrahamama le leloko la hae molemong oa ho boloka tsebo ea Molimo ka sechaba sa Hae le ho tliša topollo ea botho (Pes. 67:2). E bile ketso ea lerato le phahameng hore e be Molimo o khethile Israele. Ho ne ho se na letho leo leloko la Abrahamama le ka ithorisang ka lona hore le tle le fumane lerato la Molimo le sa le lokelang. “‘Hase kahobane le fetisa lichaba tse ling ka bongata Jehova a le ratileng, a le khethileng, hobane le sechaba se senyane ho lichaba tsohle’ ” (Deut. 7:7). Molimo o sebelisitse tsela e fapaneng le e tloaelehileng ho khetha sechaba sa hae. Ha batho ba talima matla, bohlale, le boitšepo ho khetha baetapele, Molimo ha o khetha ba matla le ba linatla hore ba mo sebeletse empa e le ba bonang le ho ananela mefokolo ea bona, liphoso tsa bona, le ho hloka thuso ha bona, e le hore ho se be ea ithorisang kapele ho Eena (1 Ba-Kor. 1:26–31). Feela, talima monyetla oo e neng e le oa bona: “Molimo o ne a lakatsa ho etsa sechaba sa Hae sa Israele e be poko le khanya. Se ne se file meyenetla eohle ea semoea. Molimo o ne a sa se tima letho le molemo bakeng sa ho bopa semelo se ka ba etsang baemeli ba Hae. “Ho boloka molao oa Molimo ho ne ho tla ba etsa limaka tsa nala kapele ho lichaba tsa lefatše. Eo ea neng a ka tseba ho ba nea bohlale le tsebo ea mesebetsi eohle ea bohlale o ne a tla 'ne a tsoele pele ho ba tichere ea bona, 'me o ne a tla ba etsa ba be khabane a ba phahamise ka ho latela melao ea Hae. Ha ba ne ba ile ba ba le kutlo, ba ne ba tla bolokoa khahlanong le mafu a tšoenyang lichaba tse ling, 'me ba ne ba tla hlhonomolofatsoa ka matla a kelello. Khanya ea Molimo, botlotlehi ba Hae le matla, li ne li lokela ho bonahatsoa naleng ea bona. Ba ne ba lokela ho ba sechaba sa baprista le mahosana. Molimo o ne a ba file lintho tsohle tse ka ba thusang ho ba'muso o moholo ka ho fetisisa lefatšeng.”—Ellen G. White, *Christ's Object Thutos*, leq. 288.

Ke lintho li fe tse tšoanang lipakeng tsa seo Molimo a se etselitseng Israele ea khale, le pitso eo a neng a ba bitsitse ka eona, le seo a re etselitseng sona, le pitso eo a re bitsitseng ka eona re le Baleti ba Letsatsi la Bosupa? Tloho le karabo ea hau sehlopheng ka Sabatha.

Ho Ithuta Haholoanyane:

Ellen G. White, “The Creation,” maq. 44–51, le “The Call of Abraham,” maq. 125–131, ho *Patriarchs and Prophets*. Sepheo sa mantlha sa Molimo popong ea motho se boela se bonahala ho thehoeng ha lelapa (Gen. 2:21–24) le Sabatha. Sabatha e ne e reretsoe batho bohle, joalokaha Jesu a bontšitse ho Mareka 2:27, 28. Hantle sebopelo sa eona sa boakaretsi se bonahala hona tlalehong ea Genese ka bo-eona, ha Molimo a behella kathoko letsatsi la bosupa, e seng feela pele ho pitso ea Hae ho Israele e le sechaba sa Hae sa selekane empa le pele sebe se e-ba teng. Sabatha e ka be e bile tšusumetso e matla ea bonngoe ha ka kang hoja batho bohle ba ’nile ba e boloka. E ne e le letsatsi la phomolo leo Molimo a neng a rerile ho hopotsa leloko la Adama le Eva ka tlamahano ea bona e tšoanang ho Eena le e mong ho e mong. “Sabatha le lelapa ka mokhoa o tšoanang li theiloe Edeneng, ’me morerong oa Molimo li hokahane hammoho ka tsela e sa feleng. Ka letsatsi lena ho feta ka matsatsi a mang ’ohle, ho bonolo ho rona ho phela bophelo ba Edene. E ne e le leano la Molimo hore litho tsa lelapa li sebetsa hammoho tšebetsong le boithutong, khumamelong le boithapollong, ntate e le moprista oa lelapa la hae, ’me ’m’e le ntate e le matichere ka bobeli le metsoalle ea bana ba bona.”—Ellen G. White, *Child Guidance*, leq. 535.

Lipotso tsa Puisano:

1. Tlaleho ea Genese ea popo ea Mosali ho tsoa lehlakoreng la monna e senola eng ka tsela eo katamelo e pakeng tsa monna le mosali e lokelang ho ba haufi ka teng? Hobaneng taba ee e re bolella hore na ke hobaneng ha, hohle kahare ho Bibe, Molimo o sebelisa karaburetso ea monna le mosali e le mohlala oa katamelo eo a e batlang ho sechaba sa Hae?
2. Leha pale ea Tora ea Babele e re bolella hore phapano e teng ea merabe le lipuo e ne e se leano la Molimo bakeng sa batho ho tloha sethathong, re ka hlola karohano tseo tsa tlhaho joang kajeno? Kereke e ka ba le boiphihlelo ba bonngoe le kutloano joang leha e bopiloe ka batho ba tsoang lichabeng le lipuong tse ngata?
3. Ke life lintho tse ling tseo u li fumaneng li tšoana pakeng tsa pitso ea Israele ea khale le pitso ea rona re le Baleti ba Letsatsi la Bosupa? Hoa bohlokoa ka ho fetisa, re ka ithuta eng ho tsona e ka re thusang ho tšepahalla pitso ea rona e halalelang ho Krete?

Kakaretso: Leano la Molimo Tlholehong le ne le reretse batho ho phela ka kutloano le bonngoe e le lelapa le le leng. Ho hloka kutlo hoa batsoali ba rona ba pele ho bakile tšitiso leanong la Molimo. Feela, Molimo o ile a bitsa Abrahama ho thea sechaba seo ka sona a ka bolokang tšepiso ea pusetso e fumanoang feela ho Krete e ntse e phela.